



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1748. usque ad
Annum 1752 - Cum Supplemento ad Ann. 1742. 1745. 1746. & 1748

Luxemburgi, 1754

XXXVIII. Damnatio, & prohibitio libri, cui Titulus: Lettres avec ces mots
latins: ne repugnete vestro bono &c. Senec. de constantia sap. 19 à
Londres 1750. & Libelli inscripti: La voix du Sage, & du ...

[urn:nbn:de:hbz:466:1-74772](https://nbn-resolving.org/urn:nbn:de:hbz:466:1-74772)

XXXVIII.

Damnatio & prohibitio Libri, cui Titulus : *Lettres avec ces mots latins : Ne repugnat vestro bono &c. Senec. de constantia Sap. cap. 19. à Londres 1750., & Libelli inscripti : La voix du Sage, & du Peuple. A Amsterdam chez le Sincère MDCCL.*

BENEDICTUS PAPA XIV.

Ad perpetuam rei memoriam.

Liber & Libellus intus enunciati in Congreg. S. Offic. examinati damnantur, & legi, ac retineri prohibentur, sub poena excommunic. Pont. referata.

CUM, sicut accepimus, in lucem prodierint Liber quidam Gallico Idiomate editus, cui titulus : *Lettres avec ces mots latins : Ne repugnat vestro bono &c. Senec. de constantia Sap. cap. 19. à Londres 1750., & Libellus inscriptus : La voix du Sage & du Peuple. A Amsterdam chez le Sincère MDCCL., & Venerabiles Fratres Nostri Sanctæ Romanæ Ecclesiæ Cardinales in tota Republica Christiana contra hæreticam pravitatem Generales Inquisitores à Sede Apostolica specialiter deputati, auditâ Libri, Libellique hujusmodi censurâ sibi relatâ, illos, tanquam continentes Doctrinam, ac propositiones respectivè falsas, erroneas, temerarias, scandalosas, Ecclesiasticis juribus injurias, de Schismate, ac de Hæresi suspectas, & aliâ à Sede prædictâ damnatas, respectivè, prohibendos, & condemnandos esse censuerint; hinc est, quod Nos, creditum Nobis à Domino Pastoralis curæ & vigilantie munus, quantum Nobis ex alto conceditur, salubriter exequi cupientes, de memoratorum Cardinalium consilio, ac etiam Motu Proprio, & ex certa scientia, ac matura deliberatione Nostri, deque Apostolicæ potestatis plenitudine, supradictos Librum, & Libellum, ubicumque, & quocumque alio idiomate, seu quavis editione, aut versione huc usque impressos, aut in posterum, quod absit, imprimendos, tenore præsentium damnamus, & reprobamus, ac legi, & retineri prohibemus, ipsorumque Libri, ac Libelli impressionem, descriptionem, lectionem, retentionem, & usum, omnibus & singulis Christianidelibus, etiam specificâ, & individua mentione, & expressione dignis, sub poena excommunicationis per contrafacientes ipso facto absque alia declaratione incurrenda, a qua nemo a quoquam, præterquam a Nobis, seu Romano Pontifice pro tempore existente, nisi in mortis articulo constitutus, absolutionis beneficium obtinere queat, omnino interdiximus. Volentes, & auctoritate Apostolica mandantes, ut quicumque Librum, Libellumque prædictos penes se habuerint, illos, statim atque præsentibus Litteris eis innotuerint, Locorum Ordinariis, vel Hæreticæ pravitatis Inquisitoribus tradere, atque consignare teneantur; hi verò exemplaria sibi sic tradita, illicò flammis aboleri curent. In contrarium facientibus non obstantibus quibuscumque. Ut autem eadem præsentibus Litteris ad omnium notitiam facilius perducantur, nec quicquam illarum ignorantiam allegare possit, volumus, & auctoritate præfata decernimus, illas ad Valvas Basilicæ Principis Apostolorum, ac Cancellariæ Apostolicæ, nec non Curie Generalis in Monte Citorio, & in Acie Campi Floræ de Urbe, per aliquem ex Curforibus nostris, ut moris est, publicari, illarumque exempla ibidem affixa relinqui; sic verò publicatas, omnes, & singulos, quos concernunt, perinde afficere, & arcere, ac si unicuique illorum personaliter notificata, & intimata fuissent; ipsarum autem præsentium Litterarum transumptis, seu exemplis, etiam impressis, manu alicujus Notarii publici subscriptis, &*

Præsentium publicationis effectus, & exemplorum auctoritas.

figillo Personæ in Ecclesiastica dignitate constituta munitis eamdem prorsus fidem tam in judicio, quam extra illud ubique locorum haberi, quæ haberetur eisdem præsentibus, si exhibita forent, vel ostensa.

Datum Romæ apud Sanctam Mariam Majoram sub Annulo Piscatoris die xxv. Januarii MDCCLI. Pontificatus Nostri Anno Undecimo.

D. Card. Passioneus.

Publicata die 27. ejusdem Mensis, & Anni.

De Pertinentia Causarum de damno dato tam in prima quam in ulterioribus Instantiis; & intra quod tempus eadem introducendâ, finiendâ, quibusque legibus dijudicandâ sint: Item de integra præstatione pœnarum Communitatibus Ditionis Ecclesiasticæ debitaram; ac Judicium, Officialium, & Executorum emolumentis.

BENEDICTUS EPISCOPUS,

Servus Servorum Dei. Ad perpetuam rei memoriam.

IN veterata Reipublica incommoda, quantum Nobis ex alto conceditur, idoneis rationibus emendare, ac submovere cupientes, quoties multiplices in uno aliquo rerum genere querelas populorum audimus, aut publicas, privataeque controversias eadem sæpe de causa agitari intelligimus, ad ipsa rerum primordia penitus introspicenda, cognoscendasque Leges, quibus earum administratio continetur, opportunam diligentiam adhibere non recusamus; ut, omnibus maturè perpensis, totum illud Juris caput rectè ordinatum & constitutum, nostris aequè, ac futuris temporibus exhibeamus.

Hanc sanè providentiam nuper a Nobis expectere visa sunt innumera litium & vexationum incommoda, quibus tam publica Communicatio Ditionis Nostræ Eraria, eorumque Curatores, & Administratores, quam ipsas privatas Subditorum personas, propter Judicia de damno dato, frequenter subjacere comperimus: dum vel hujusmodi Causarum pertinentia disceptatur inter eos Judices, quibus aut pœnarum exactio, aut localis jurisdictionis, aut personarum, prædiorum, vel pecudum legitima quedam defensio, ac privata potestas est attributa; indeque levissimi sæpe momenti questio magnum excitat, fovetque jurgiorum & controversiarum incendium; vel etiam, personalibus, atque realibus pœnis, simulque pecuniariis multis, aliisque pensionibus, ultra modum auctis & cumulatis, nulloque termino hujusmodi actionibus atque Judiciis imposito, privatorum gravamina, sine publica utilitatis augmento, in immensum crescere dignoscuntur. His omnibus de medio tollendis, ac respectivè intra aequitatis & justitiæ limites coercendis, animam libenter adjicimus; auditisque Virorum juris peritiâ, & rerum usu præstantium sententiis, plura in rem opportuna remedia comparavimus, quæ latè exposita sunt in quadam Scheda Nostri Motus Proprii, Superioribus diebus Chirographo Nostro subscripta, ejus tenorem hic per extensum subjicimus: videlicet.

Dat. die 27. Januarii 1751.

XXXIX.

Procedimus.

Causæ præsentis Constitutionis ecclesiæ.

Pont. per Schedulam Motus proprii statuta ut infra.